

V L A D A

BOSNIA AND HERZEGOVINA

FEDERATION OF BOSNIA AND HERZEGOVINA

ВЛАДА

GOVERNMENT

Broj: 03-04-724-2/22
Sarajevo, 14.06.2022. godine

PARLAMENT FEDERACIJE BOSNE I HERCEGOVINE

Dom naroda

n/p gosp. Izmiru Hadžiavdiću, tajniku
n/p gosp. Senadu Ahmetoviću, izaslaniku

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**


Primljeno: 16 -06- 2022			
Org. jed.	Broj	Priloga	Vrijednost
05/2	-02-	187	/22

Predmet: Odgovor na izaslaničko pitanje

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br: 27/03, 21/09 i 24/20), u privitku Vam dostavljam akt Federalnog ministarstva trgovine, broj: 01-02-518/22 od 10. lipnja 2022. godine, koji se odnosi na izaslaničko pitanje, koje je postavio izaslanik Senad Ahmetović.

S poštovanjem,



Privitak: kao u tekstu

Broj: 01- 02 – 518 /22
Mostar, 9.6.2022. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOMA NARODA**

n/p mr.sci. Izmir Hadžiavdić, sekretar Doma naroda
n/r g-din Senad Ahmetović, delegat

**UI. HAMDIJE KREŠEVLJAKOVIĆA 3
S A R A J E V O**

Predmet: Odgovor na delegatsko pitanje Senada Ahmetovića, daje se

U skladu sa odredbom člana 75. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“ br. 6/10, 37/10 i 62/10, 39/20 i 67/21), dostavljamo odgovor na pitanje koje je na 18. sjednici Doma naroda Parlamenta Federacije Bosne i Hercegovine održanoj 26.5.2022. godine postavio delegat Senad Ahmetović: „Šta Vlada Federacije Bosne i Hercegovine radi po pitanju cijena hrane“, isto je Vladi Federacije BiH dostavljeno aktom sekretara Doma naroda Parlamenta Federacije Bosne i Hercegovine, broj: 05/2-02-187/22 od 31.5.2022. godine.

O d g o v o r

Vezano za Vaš akt broj: 05/2-02-187/22 kojim ste nam dostavili delegatsko pitanje delegata Senada Ahmetovića, Federalno ministarstvo trgovine, daje sljedeći odgovor:

U skladu sa Zakonom o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/08, 2/06, 8/06, 61/06), s ciljem održavanja stabilnosti tržišta, cijena i životnog standarda stanovništva prati kretanje cijena na osnovu dostavljenih podataka. U skladu sa navedenim Federalno ministarstvo trgovine provodi odgovorne politike za koje je nadležno, a naročito u pogledu predlaganja određenih mjera Vladi Federacije BiH, bilo da se radi o praćenju kretanja cijena na tržištu u funkciji zaštite javnog interesa i zaštite interesa potrošača i u pogledu primjene mjera neposredne kontrole cijena u slučaju poremećaja na tržištu.

Zakonom o kontroli cijena („Službene novine Federacije BiH“, br. 2/95 i 70/08), uređuju odnosi u kontroli cijena i usluga na jedinstvenom tržištu Federacije Bosne i Hercegovine i propisuju mjere neposredne kontrole cijena za pojedine proizvode i usluge. Članom 2. navedenog Zakona propisano je da privredna društva, druga pravna i fizička lica formiraju cijene proizvoda i usluga slobodno prema uslovima tržišta, osim za proizvode i usluge za koje je posebnim propisom utvrđen drugačiji način formiranja cijena. Istim Zakonom propisano je da ako nastupe ili mogu nastupiti veći poremećaji u snabdijevanju i kretanju cijena Vlada Federacije BiH i nadležni organi kantona, grada i općine, svako u okviru svoje nadležnosti, mogu za pojedine proizvode i usluge propisati sljedeće mjere: određivanje najvišeg nivoa cijena, zadržavanje cijena na zatečenom nivou (zatečene cijene), davanje saglasnosti na cijene, odnosno tarife, utvrđivanje marži u trgovini (kalkulativne cijene) i obavještavanje o promjeni cijena i marži za proizvode i usluge (evidencija cijena).

Aktuelni poremećaji u kretanju cijena i odnosima cijena, rezultat su globalne ekonomske krize uzrokowane pandemijom COVID-19 koja je još od 2020. godine pa sve do danas dovela do trenutnog zastoja ekonomskih i društvenih aktivnosti kako u cijelom svijetu tako i u BiH. Jasno je da su u takvoj situaciji tržišta nerazvijenih zemalja poput Bosne i Hercegovine koja nemaju domaće sirovine ili gotove proizvode ovisna o uvozu, a s obzirom da je problem povećanja cijena u velikoj mjeri uzrokovani vanjskim faktorom ocijenjeno je potrebnim da se marže za osnovne životne namirnice i druge proizvode svedu na ekonomski opravdan nivo.

S tim u vezi, Vlada Federacije Bosne i Hercegovine je u cilju zaštite životnog standarda građana na prijedlog Federalnog ministarstva trgovine donijela Odluku o propisivanju mjera neposredne kontrole cijena utvrđivanjem maksimalne visine marži za naftne derivate („Službene novine Federacije BiH“, broj 26/21), te Odluku o izmjeni Odluke o propisivanju mjera neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode (Službene novine Federacije BiH broj: 28/21).

Donošenju Odluke o propisivanju mjera neposredne kontrole cijena utvrđivanjem maksimalne visine marži za naftne derivate („Službene novine Federacije BiH“, broj 26/21), prethodila je činjenica da je BiH kao jedna od nerazvijenih zemalja u potpunosti ovisni o uvozu naftnih derivata, zatim analiza dinamike kretanja cijena sirove nafte na svjetskom tržištu, analiza kalkulacije veleprodajnih i maloprodajnih cijena naftnih derivata te obavijesti o promjenama cijena i marži koje benzinske pumpe dostavljaju Federalnom ministru trgovine u skladu sa Uputstvom o načinu, sadržaju i rokovima dostave obavještenja o promjeni cijena i marži pojedinih proizvoda i usluga («Službene novine Federacije BiH», broj 20/19).

Slijedom navedenog, Vlada Federacije BiH je u cilju zaštite životnog standarda stanovništva na prijedlog Federalnog ministarstva trgovine dana 1.4.2021. godine donijela Odluku o propisivanju mjera neposredne kontrole cijena utvrđivanjem maksimalne visine marži za naftne derivate, kojom je privrednim društvima koja obavljaju trgovinu na veliko naftnim derivatima propisana maksimalna visina marži u apsolutnom iznosu od 0,06 KM/litru derivata, a privrednim društvima koja obavljaju djelatnost trgovine na malo naftnim derivatima propisana je maksimalna visina marži u apsolutnom iznosu od 0,25 KM/litru derivata.

Predmetna Odluka je na snazi i primjenjuje se od 03.04.2021. godine.

Nadalje, kada su u pitanju osnovne životne namirnice Vlada Federacije BiH na prijedlog Federalnog ministarstva trgovine dana 8.4.2022. godine donijela Odluku o izmjeni Odluke o propisivanju mjere neposredne kontrole cijena utvrđivanjem maksimalne visine marži za pojedine osnovne životne namirnice i druge proizvode, istom je propisano da su pravna i fizička lica koja se bave proizvodnjom, trgovinom na veliko i trgovinom na malo obavezna utvrditi i primjenjivati marže tako da iste ne prelaze visinu marži proizvoda u procentualnom iznosu na dan 31.12.2020. godine. Navedena Odluka je donesena u cilju postizanja neophodnog balansa između zaštite životnog standarda građana kupaca i ekonomski održivog poslovanja proizvođača i trgovaca, te radi amortiziranja negativnog ekonomskog utjecaja pandemije na životni standard građana. Lista osnovnih životnih namirnica i drugih proizvoda sadrži ukupno 17 stavki i obuhvaća pojedine osnovne životne namirnice i druge proizvode koji su neophodni za zaštitu životnog standarda i ekonomskih interesa građana u Federaciji BiH.

Predmetna Odluka je na snazi i primjenjuje se od 10.04.2021. godine.

S poštovanjem,

